

ՔԱՐՏ

- 1.1. Սույն բաժնի դրույթները կարգավորում են Քարտերի տրամադրման, օգտագործման, փակման և փոփոխման կապակցությամբ Բանկի և Հաճախորդի միջև ծագող պայմանագրային հարաբերությունները: Ի լրումն Պայմանների և Սակագների՝ Քարտերի առանձին տեսակները, վերջիններիս առանձնահատկություններն ու ընձեռած հնարավորությունները, քարտային գործառնությունների անվտանգությանը վերաբերող և այլ պահանջները կարգավորվում են նաև Կանոններով, Դիմում-պայմանագրով, Տեղեկատվական ամփոփագրերով, Կայքում հրապարակված Կանոններով, ինչպես նաև Բանկի և Հաճախորդի հարաբերությունները կարգավորող այլ փաստաթղթերով: Սույն բաժնով չկարգավորվող դրույթները կարգավորվում են Պայմաններով, այդ թվում՝ Հաշիվների վերաբերյալ Պայմանների դրույթներով, եթե այլ բան նախատեսված չէ սույն գլխով:
- 1.2. Քարտը տրամադրվում է Հաճախորդին վերջինիս կողմից Քարտի դիմումի ներկայացման օրվանից մինչև 5 (հինգ) բանկային օրվա ընթացքում Դիմում-պայմանագիրը և ստացականը ստորագրելուց, ինչպես նաև ամսական/տարեկան սպասարկման վճարը վճարելուց հետո:
- 1.3. Հաճախորդը պարտավորվում է Քարտը պատվիրելիս վճարել կամ քարտային հաշվին մուտքագրել տվյալ պահին Դիմում-պայմանագրերով, Տեղեկատվական ամփոփագրերով և/կամ Սակագներով սահմանված միջնորդավճարը, եթե այլ բան նախատեսված չէ Դիմում-պայմանագրով:
- 1.4. Քարտերի որոշ տեսակների համար կարող են սահմանվել քարտով գործառնությունների կատարման որոշակի սահմանափակումներ, որոնք արտացոլված են տվյալ ծառայության Տեղեկատվական ամփոփագրում և/կամ սահմանված են Սակագներով:
- 1.5. Բանկն իրավունք ունի Քարտի գործողության ընթացքում Հաճախորդի քարտային հաշվից անվիճելի կարգով գանձել Քարտի տրամադրման և քարտային հաշվի սպասարկման համար միջնորդավճարները, ինչպես նաև Քարտի օգտագործմամբ պայմանավորված բոլոր այլ ծախսերը՝ համաձայն Տեղեկատվական ամփոփագրերով և/կամ Սակագների և/կամ Դիմում-պայմանագրի և/կամ առանձին ծառայության համար ծառայությունը մատուցողի (երրորդ անձ) կողմից սահմանված սակագնի:
- 1.6. Միջնորդավճարները գանձվում են կանխավճարի կարգով՝ Տեղեկատվական ամփոփագրում և/կամ Դիմում-պայմանագրում սահմանված պարբերականությամբ՝ առաջին անգամ մինչև Քարտի տրամադրումը, իսկ Քարտի գործողության հաջորդող ամիսների/տարիների համար՝ Քարտի գործողության յուրաքանչյուր ժամկետի սկզբից՝ 5 (հինգ) բանկային օրվա ընթացքում: Հաճախորդի քարտային հաշվին բավարար միջոցների բացակայության դեպքում սույն կետում նշված գումարները, ինչպես նաև

Դիմում-պայմանագրով սահմանված Վճարային սահմանաչափը գերաձախած գումարները և դրա համար հաշվարկված տուժանքի գումարները գանձվում են Հաճախորդի՝ Բանկում բացված այլ հաշիվներից, որի ապահովման համար Հաճախորդը սույնով տալիս է իր անվերապահ համաձայնությունը: Եթե սույն կետում նշված գումարները մարելու համար չեն բավարարում նաև Հաճախորդի՝ Բանկում բացված այլ հաշիվներին առկա միջոցները, ապա Բանկն իրավունք ունի 30 օր և ավելի ժամկետանց պարտավորության առկայության դեպքում վաղաժամկետ դադարեցնել Քարտի գործողությունը, ճանաչել այն անվավեր և պահանջել Հաճախորդից Քարտը վերադարձնել Բանկ, ինչպես նաև վճարել սույն կետում նշված գումարները:

Սույն ենթակետը Պայմանագրի գործողության ողջ ժամկետում հանդիսանում է ՀՀ քաղաքացիական օրենսգրքի 922 հոդվածի 1-ին մասով նախատեսված՝ Քարտապանի կողմից Բանկին տրված կարգադրություն:

Եթե սույն կետում նշված գումարները մարելու համար չեն բավարարում նաև Քարտապանի՝ Բանկում բացված այլ հաշիվներին առկա միջոցները, ապա Բանկն իրավունք ունի 30 օր և ավելի ժամկետանց պարտավորության առկայության դեպքում վաղաժամկետ դադարեցնել Քարտի գործողությունը, ճանաչել այն անվավեր և պահանջել Քարտապանից Քարտը հետ վերադարձնել Բանկ, ինչպես նաև վճարել սույն կետում նշված գումարները:

- 1.7. Քարտը ժամկետից շուտ Բանկ վերադարձնելու, Քարտը ոչնչացնելու և/կամ Քարտի փակման դիմում Բանկ ներկայացնելու դեպքում Հաճախորդի կողմից վճարված միջնորդավճարները, որոնք սահմանված են Տեղեկատվական ամփոփագրերով և Սակագներով, ենթակա չեն վերադարձման:
- 1.8. Հաճախորդի կողմից Քարտը երկամսյա ժամկետում Բանկից չստանալու դեպքում Բանկն իրավասու է ոչնչացնել Քարտը և PIN ծածկագրով ծրարը՝ լուծելով Դիմում-պայմանագիրը:
- 1.9. Բանկն իրավասու է նաև վաղաժամկետ լուծել Դիմում-պայմանագիրը, փակել Հաճախորդի քարտային հաշիվը՝ պահանջելով վճարել Վճարային սահմանաչափը գերաձախած գումարները, ինչպես նաև մինչև վճարման օրը հաշվարկված տուժանքի գումարները, եթե Հաճախորդը թույլ է տվել Սակագներով սահմանված միջնորդավճարների և/կամ Վճարային սահմանաչափը գերաձախած գումարների վճարման կետանց, նաև բանկային ծառայությունների տրամադրման պայմաններով, Դիմում-պայմանագրով և Կանոններով սահմանված պայմանների խախտում, ինչպես նաև Պայմաններով սահմանված այլ հիմքերի առկայության դեպքում:
- 1.10. Բանկը պարտավոր է քարտապանի համար ապահովել Քարտով կանխիկ միջոցների ստացումը և վճարումների իրականացումը քարտային հաշվին առկա գումարների և վարկային գծի/օվերդրաֆտի /համաձայն կնքվող համապատասխան պայմանագրի/ սահմաններում /Պայմանագրի ողջ

տեքստում Վճարային սահմանաչափ/,

- 1.11. Բանկը պարտավոր է համապատասխան վճարահաշվարկային համակարգի կողմից սահմանված կանոններով և ժամկետներում բողոքարկել Հաճախորդի կողմից բողոքարկվող գործառնությունները/գործարքները և դրական արդյունքների դեպքում բողոքարկման գործընթացի ավարտից հետո գումարները վերականգնել Հաճախորդի հաշվին:
- 1.12. Հաճախորդը պարտավորվում է բողոքարկման գործընթացի բացասական արդյունքների դեպքում մեկամսյա ժամկետում Բանկին վճարել Տեղեկատվական ամփոփագրերով և/կամ Սակագներով և/կամ Դիմում-պայմանագրով սահմանված վճարները, ինչպես նաև բողոքարկվող գործառնության/գործարքի կատարման արդյունքում առաջացած գերաճախսերը:
- 1.13. Հաճախորդն իրավունք ունի օգտվել Դիմում-պայմանագրով և Կանոններով քարտապանին վերապահված այլ իրավունքներից,
- 1.14. Հաճախորդն իրավունք ունի Քարտը ապաբլոկավորելու, իսկ քարտային հաշիվը ապաստեցնելու նպատակով դիմում ներկայացնել Բանկ, անձամբ ներկայանալ Բանկ կամ զանգահարել Բանկ՝ Կանոններում նշված հեռախոսահամարներով՝ հայտնելով իր Քարտի դիմումում նշված գաղտնաբառը (խոսքը PIN-ծածկագրի մասին չէ) և/կամ Բանկի պահանջով այլ նույնականացման տվյալներ:
- 1.15. Հաճախորդն իրավունք ունի՝ Բանկի կողմից Կանոնների միակողմանի փոփոխման այնպիսի դեպքերում, երբ փոփոխության արդյունքում վատթարանում են Քարտի օգտագործման պայմանները, միակողմանիորեն լուծել Դիմում-պայմանագիրը՝ Բանկին վերադարձնելով Քարտը՝ վճարելով մինչև հայտ-պայմանագրի լուծման պահը Սակագներով սահմանված բոլոր վճարները, այդ թվում գերաճախսի գումարները:
- 1.16. Գործառնություններ իրականացնելիս տվյալ արժույթից տարբերվող արժույթով Բանկն իրականացնում է արժույթների փոխարկում Բանկի կողմից սահմանված փոխարժեքով: Արտարժույթային գործառնություններ իրականացնելիս արտարժույթի փոխարժեքի փոփոխման հետևանքով ծագող հնարավոր անբարենպաստ հետևանքների ռիսկը կրում է Քարտապանը:
- 1.17. Բանկը Քարտապանի քարտային հաշվին առկա դրամական միջոցների նկատմամբ ունի առաջնահերթ բավարարում ստանալու իրավունք՝ որպես Բանկի հանդեպ Քարտապանի ստանձնած/ստանձնելիք բոլոր պարտավորությունների պատշաճ կատարման ապահովման միջոց:
- 1.18. Քարտի կորստի դեպքում Քարտապանի և Բանկի փոխհարաբերությունները կարգավորվում են Կանոններով:
- 1.19. Բանկը պատասխանատվություն չի կրում Կանոնների խախտմամբ կատարված գործառնությունների/գործարքների համար:

1.20. ՍՈՒՅՆՈՎ ՔԱՐՏԱՊԱՆԸ ՏԱԼԻՍ Է ԻՐ ՀԱՄԱՁԱՅՆՈՒԹՅՈՒՆԸ, ՈՐՊԵՍՁԻ ՊԱՅՄԱՆԱԳՐԻՑ ԾԱԳՈՂ ԵՎ/ԿԱՄ ԾԱԳԵԼԻՔ ԻՐ ՊԱՐՏԱՎՈՐՈՒԹՅՈՒՆՆԵՐԻ ՎԵՐԱԲԵՐՅԱԼ ՑԱՆԿԱՑԱԾ ՏԵՂԵԿԱՏՎՈՒԹՅՈՒՆ ԲԱՆԿԸ՝ ԱՌԱՆՑ ՔԱՐՏԱՊԱՆԻ ԼՐԱՅՈՒՑԻՉ ՀԱՄԱՁԱՅՆՈՒԹՅԱՆ, ՏՐԱՄԱԴՐԻ «ԱՔՌԱ ՔՐԵԴԻՏ ՌԵՓՈՐԹԻՆԳ» ՓԲԸ-ԻՆ, ԻՆՉՊԵՍ ՆԱԵՎ ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԸՆԹԱՑՔՈՒՄ ՑԱՆԿԱՑԱԾ ՊԱՅԻՒ ԱՌԱՆՑ ՔԱՐՏԱՊԱՆԻՆ ՆԱԽԱՊԵՍ ՏԵՂՅԱԿ ՊԱՅԵԼՈՒ, «ԱՔՌԱ ՔՐԵԴԻՏ ՌԵՓՈՐԹԻՆԳ» ՓԲԸ-ԻՑ ՀԱՐՅՈՒՄ ԿԱՏԱՐԻ ԵՎ ՍՏԱՆԱ ՔԱՐՏԱՊԱՆԻ ՎԱՐԿԱՅԻՆ ԶԵԿՈՒՅՑԸ:

1.21. ՍՈՒՅՆՈՎ ՔԱՐՏԱՊԱՆԸ ՀԱՎԱՍՏՈՒՄ Է ՆԱԵՎ, ՈՐ ՏԵՂՅԱԿ Է ԱՅՆ ՄԱՍԻՆ, ՈՐ ԻՐ, ԻՆՉՊԵՍ ՆԱԵՎ ՊԱՅՄԱՆԱԳՐԻՑ ԲԻՈՂ ԻՐ ՊԱՐՏԱՎՈՐՈՒԹՅՈՒՆՆԵՐԻ ՄԱՍԻՆ ՏԵՂԵԿԱՏՎՈՒԹՅՈՒՆԸ ՏՐԱՄԱԴՐՎՈՒՄ Է ՀՀ ԿԵՆՏՐՈՆԱԿԱՆ ԲԱՆԿԻ ՎԱՐԿԱՅԻՆ ՌԵԳԻՍՏՐԻՆ: